

Kratak pregled aktivnosti Centralnog odbora Sindikata Univerziteta u Sarajevu u periodu oktobar 2013 god. do sada

Po završetku upisa na Fakultete i Akademije i početkom nastavnog procesa u akademskoj 2013/14 god., Centralni odbor Sindikat Univerziteta u Sarajevu je preuzeo sljedeće aktivnosti:

- Ponovno aktiviranje Osnovnih organizacija sindikata na Akademiji scenskih umjetnosti, Farmaceutskom fakultetu, Fakultetu za kriminalistiku, kriminologiju i sigurnosne studije i na Poljoprivredno-prehrambenom fakultetu.
- Inicirana je rasprava na Centralnom odboru u smislu analize ekonomskog stanja na Fakultetima i Akademijama, s obzirom da su procijene ukazivale da će doći u pitanje isplata decembarske plate. Evidentno je bilo neprekidno kašnjenje u isplati plata i neprekidno prolongiranje datuma isplate.
- Poslije duže rasprave prevladao je stav da treba uputiti pismo premijeru Vlade Kantona Sarajevo, gosp. Suadu Zeljkoviću sa molbom za održavanje kraćeg sastanka na kome bi se dobine precizne informacije o tome što čeka zaposlene na Univerzitetu u narednih par mjeseci. Pismo je upućeno drugog decembra 2013 god., i nažalost, do sastanka nije došlo. Sredinom januara smo obaviješteni da ne postoji finansijska sredstva za isplatu 1,5 mjesечne tranše za cijelokupan Univerzitet.
- Organiziran je sastanak Centralnog odbora Sindikata Univerziteta u Sarajevu dana 20.01.2014 god. na kojem smo razmatrali situaciju i zaključili da je nužno da se pristupi izjašnjavanju članova o inicijativi da se pristupi pripremama za štrajk.
- Obavijestili smo rektora Univerziteta u Sarajevu Prof. dr. Muharema Avdispahića i on nam je posao informaciju da je Vlada Kantona izjavila na novinarske upite sljedeće:

“Skupština Kantona Sarajevo je na 25. radnoj sjednici održanoj u srijedu, 27. marta 2013. godine, usvojila budžet Kantona Sarajevo za 2013. godinu u iznosu od 739.740.000,00 KM, u kome su predviđena sredstva za Visokoškolske ustanove u iznosu od 57.844.000,00 KM, a sredstva su u cijelosti isplaćena zaključno sa zadnjom uplatom od 16.01.2014. godine, u iznosu od 2.786.000,00 KM.

Budžetom Kantona Sarajevo za 2013. godinu predviđena su i sredstva za Ustanove nauke, u iznosu od 3.700.000,00 što je u cijelosti isplaćeno zaključno sa 16.01. 2014. u iznosu od 242.200,00 KM.

Iz gore navedenog se može vidjeti da je Vlada KS - Ministarstvo finansija u cijelosti izvršilo obaveze, a što je u skladu sa Zakonom o budžetima FBiH, Zakonom o izvršavanju budžeta KS i Zakonom o Trezoru FbiH.“.

- Dana 27.01.2014 god. smo razmotrili kompletну situaciju i utvrdili sljedeće:
 - Odlučeno je da se pristupi pripremama za štrajk koji bi trebao početi 17 februara 2014 god.
 - Definirani su razlozi za otpočinjanje štrajka i obrazloženja za to.
- Senat Univerziteta je imao svoje zasjedanje dana 29. januara o.g. i podržao je inicijativu za štrajk.
- Dana 30. januara o.g. poslato je pismo Vladi kantona Sarajevo sa najavom štrajka, datumom, mjestom održavanja štrajka i obrazloženjem.
- Sastanka Centralnog odbora Sindikata Univerziteta u Sarajevu održan je dana 31.01.2014 god. gdje su razmatrani dokumenti o odvijanju štrajka i izabrani predstavnici koji će voditi štrajk u ime SUNSA i razgovarati sa Vladom.
- Dana 03.02.2014 god. poslato je pismo sa prijedlozima članova tima za pregovore sa Vladom Kantona Sarajevo u takozvanoj fazi mirenja.